



14
1544
31



建炎以來朝 雜記甲集卷第十

宋 井研 李心傳 伯微 撰

官制一

丞相 總論建隆至乾道相名更易

丞相秦官也自漢末改為大司徒歷代不能正國初
循唐制以王公至列曹侍郎同平章事為宰相首相
帶昭文館大學士亞相帶監修國史末相帶集賢殿
大學士神宗新官制十三省置侍中中書尚書二令
虛而不除以尚書左右僕射兼門下中書侍郎為兩
相然中書揆而議之門下審為覆之尚書承而行之

建炎以來朝 雜記甲集卷第十

宋 井研 李心傳 伯微 撰

官制一

丞相 總論建隆至乾道相名更易

丞相秦官也自漢末改為大司徒歷代不能正國初循唐制以王公至列曹侍郎同平章事為宰相首相帶昭文館大學士亞相帶監修國史末相帶集賢殿大學士神宗新官制十三省置侍中中書尚書二令虛而不除以尚書左右僕射兼門下中書侍郎為兩相然中書揆而議之門下審為覆之尚書承而行之



則是首相不復與朝廷議論矣元祐初司馬公相乃請令三省合班奏事分省治事自紹聖以後皆因之時議者謂門下相凡事既同進呈則不應自駁已行之命是省審之職可廢也政和中蔡京以太師總領三省號公相乃廢尚書令改侍中中書令爲左輔右弼亦虛而不除改左右僕射爲太宰少宰仍兼兩省侍郎靖康中何文縝將拜相夜夢人持弓矢射中其僕乃先乞復太宰少宰爲僕射吳正仲當制請更爲丞相不從建炎三年呂元直初相議者有請併三省爲一于是元直解中書侍郎改同中書門下平章事

乾道八年 孝宗稽古改左右僕射爲左右丞相去侍中而令之名遂爲定制矣

御營使

御營宿衛使

御營使者建炎元年始命宰相李伯紀爲之本以行幸總齊軍中之政其後遂專兵柄樞密院幾無所預呂元直在位專恣尤甚其官趙元鎮等以爲言元直遂免時議者以爲宰相之職無所不統本朝沿五代之制政事分爲兩府兵權付與樞密比年又置御營使是政出于三也請罷御營司以兵權付之樞密而以宰相兼知庶幾可以收兵柄一賞罰節財用四年

六月甲戌遂以宰相范覺民兼知樞密院事罷御營使乃官屬以其事歸密院為機速房焉

御營使一員或二人以宰相兼副使一員以執政官兼參贊軍事以從官兼提

舉一行事務以大將兼其將佐有都統制一員及五軍統制紹興三十一年金海陵入寇上將臨江視

師其冬以和義郡王楊存中為御營宿衛使虜平復

免明年孝宗即位又以御營使命之然但自名一

司掌殿前忠勇等軍非復建炎之比矣

都督軍馬同都督

都督古官也晉宋間有之自唐以後不置紹興初呂

元立復用是取秦會之亦欲奪其權乃共議令尤

直以左僕射都督江淮荆浙諸軍事置司鎮江元立

覺之遽歸而命孟富文以叅知政事權同都督已而

落權字四年趙元鎮自知樞密院事為川陝宣撫處

置使元鎮以與吳玠共事為嫌乃改都督川陝荆襄

諸軍事五年春元鎮與張德遠並相遂帶兼都督諸

路軍馬七年秋德遠將罷先廢都督府隆興初

德遠再入乃命以樞密使都督江淮軍馬焉二年德

遠去位都督府復廢其秋紇石烈志寧入寇詔湯進

之以左僕射為之進之逗遛不行乃命王瞻叔以叅

知政事為同都督瞻叔亦可免于是遂命和義王楊

存中代爲都督府非宰相而爲都督自此始

都督行府

張魏公之初爲都督也以行府爲名凡事于朝廷則關三省樞密院孟富文時在政府大不平曰三省密院乃奉行行府文書耶因稱疾求去隆興初魏公再爲都督時宰相陳魯公湯慶公皆主和議故朝廷所行多與都督_府異魏公乃言臣節制江淮軍馬其進退調發當從都督府取旨施行近日主兵官及帥守監司輒以軍期事務徑申朝廷乞割下依本府指揮仍取當行人責軍令狀外謹具奏知 上曰豈有不申

朝廷之理十月辛巳乃詔江淮軍馬調發應援從都督府取旨施行其餘事務並令申奏如舊

督視軍馬

督視軍馬者紹興三十一年冬十一月葉審言始以知樞密院事爲之朝議以審言非相臣故其名下都督一等蓋不考趙豐公故事失之也隆興初張魏公旣爲江淮都督乃命汪明遠澈以叅知政事督視湖北京西軍馬焉方城失守汪責台州遂并令魏公督之

制國用使 同知國用事

制國用使舊未有隆興初言者請法有唐之制命宰相兼領三司使職事財穀出納之大綱宰相領之于上而戶部治其詳 上是之命秘書省討論來上乾道二年冬遂命宰相兼制國用使叅知政事同知國用事五年二月戊申罷國用司八年正丞相官名夏四月詔丞相事無不統所有兼制國用事與叅政更不入銜云

叅知政事

叅知政事自 太祖朝始置元豐官制改爲門下中書侍郎尚書左右丞建炎三年合三省之政于是李

漢老自尚書右丞改除叅知政事復舊制也故事丞相謁告則叅預政事之臣例不得進擬差除惟丞相薨罷 上未得人則叅知政事行相事多不踰年少者才旬月獨淳熙初葉夢錫罷相龔實之行丞相事近三年言者以爲懷私擅改遂有英州之禍焉

樞密使

樞密使自唐以來率二員周末魏仁浦吳延祚並爲之國初仁浦拜集賢相自是止除一使至太平興國初曹武惠 彬 楚景襄 昭 始復並除後未有繼之者及真宗中年以王文穆陳文忠並爲樞密使由是遂

爲故事迄 仁宗不改 英宗治平四年文忠烈呂
惠穆 神宗熙寧五年文忠烈陳秀公並使樞庭用
此故事 高宗紹興十年張循王浚韓斲王世忠既
罷兵乃並除樞密使十二年 張循王猶在位特以孟信
安王忠厚爲山陵使乃亦暫拜樞密使渡江後元樞並
除蓋有所作爲也

知樞密院事

知樞密院事 太宗淳化二年始置以張遜爲之然
使與知院未嘗並除熙寧元年文潞公呂宣徽爲使
陳秀公自會稽召爲知院非故事也元豐官制行廢

樞密使故政和末鄧華公官至少保猶止爲知院事
其後鄭居中蔡攸童貫之徒既位三公乃更領樞密
院事紹興七年秦申王爲使沈忠敏自同知遷知院
事蓋張魏公既荐秦相未欲其與已並又以故相不
可除他官乃先白高宗降旨以本兵之地事權宜重
依祖宗故事置樞密院使而知院同知院亦皆仍舊
由是並除自後則否

樞密副使

祖宗故事樞密置使則除副使置知院則除同知院
淳化二年太宗既以張遜知密院于是寇忠愍溫恭

肅皆自副使改同知院事康定元年仁宗用晏元獻
公為樞密使于是王鄧公杜正獻鄭天休皆自同
知改除副使自後皆然元豐末廢副使渡江後秦申
王首復除樞密使王敏節副之既而張韓二大將並
除樞密使岳武穆副之合故典矣近歲張魏公汪明
遠虞并父王公明王季海周洪道王謙仲趙子直繼
除樞密使而其副止稱同知蓋相承之誤

簽書樞密使事

簽書樞密院事太宗興國四年置是時石元懿公以
兵部員外郎充樞密直學士正本官職簽自是初除

皆帶密直及罷政乃拜端明殿學士焉太宗至真宗
朝文臣樞密

才五人其四人遷樞密副張文定以本官罷至神宗
時曾公綽以憂去免喪乃除端明元祐後王彥霖劉
仲馮皆以端明
罷遂為故事元豐官制廢簽書其後童貫以使相

為之上以貫官至三司乃更為領院事靖康初李叅
政回首拜延康殿學士簽書延康今為端明自是遂
為故事

同簽書樞密事

同簽書樞密院事自郭宣徽後不置明受未李漢老
鄭致剛嘗並拜未及謝而 上反正李遷右丞鄭落
同字紹興七年王倫交割地界亦命帶焉其後不復

置隆興未虞雍公一爲之

陸朝官除簽樞

簽書樞密院故事有以員外郎爲之而無三丞以下爲之者元祐初王彥霖以承議郎龍圖閣待制除授乃特遷朝奉郎建炎後張全真富季申皆自奉議郎御史中丞除簽樞亦用此制靖康二年曹忠達輔紹與十四年李資政文會皆以陸朝官爲之曹承議郎蓋李奉議郎中書失之而舍人無正之者

樞密參用文武

張說本末

自建炎以來樞密使副參用文武 仁宗親政以後

但除夏守斌王貽永王德用狄青數人 英宗朝郭逵一人而已元豐改官制武臣不爲二府政和未始命童貫簽書河西北面兩房事後遂領院事焉靖康用兵乃除种忠憲師道建炎中復除王襄愍淵時苗傳等不平遂有明受之變自是武臣不復典樞密矣紹興九年秦丞相將罷三大將兵柄乃以樞密使副授之盖自童貫後皆因事用人非常典也乾道七年張說爲明州觀察使樞密都丞旨說娶 壽聖皇后女弟 上厚眷之時爲政乃除說簽書樞密院事制下朝論閔然說辭不果拜遂以安慶軍節度使還第

焉踰年復以是命之說亦不辭又逾年遂進知樞密院事淳熙元年秋罷為太尉尋降觀察使居撫州三年冬許自便七年秋卒 上念之詔復承宣使陳給事峴封還錄黃乃止說子荐文州刺史說敗亦貶郴州蕤明州觀察使

外戚典樞密

祖宗盛時率用外戚典兵馬而無使樞密者惟慶歷中王鄧公貽永以主壻為之然議者不以為忝元祐中韓文定在樞密其弟端節既遷尚為臺諫所攻旋亦罷去紹興初樞密都承旨闕執政請以保靜軍承

宣使邢煥為之煥 懿節后父也 上曰朕不欲戚

里為朝廷官乃不許 上受禪韓平原促胄自知閣

門事除都承旨亦固辭因自請奉祠云 紹興中孟仁仲使樞密蓋

以典山陵故事已即罷

樞密院屬官

樞密院屬官舊有都副承旨以武臣為之編修官二員以文臣為之熙寧中始以文臣為都承旨元祐後又詔恩數如權侍郎紹聖初廢 高宗在會稽武臣辛道宗為都承旨頗用事紹興初道宗既免乃詔用兩制為之 元年十二月丙寅 然但間除一二人而已淳熙中

王抃用事久孝宗惡焉遂復用士人今上初立薛
 象先以戶部侍郎兼都承旨何自然以為非祖宗
 成憲斥去之建炎中仍用元豐故事置檢詳一員祿
 賜與都司外郎等三年六月庚午時御營司既廢密院置幹
 辦官四員既而以其名不雅馴改為計議官在編修
 官之上建炎四年十月己卯紹興十一年始省四月庚寅

三省樞密院賞功司

建炎初李伯紀為政始于三省樞密院置賞功司呂
 元直初相遂省之及范覺民以宰相兼樞密乃下密
 院置機速房紹興二十九年又罷辛巳用兵復置逮

乾道八年始罷凡錢糧事歸三省邊防共政歸密院
 焉

拾遺補闕

遺補唐官也太宗以正言司諫易之淳熙十五年
 正月兵部侍郎林栗言國家累年以來宰執百僚職
 無虛位御史三院亦不乏人獨諫諍之官尚有闕員
 居其位者往往分行御史職銜至于箴規闕失寂無
 聞焉願依唐制置拾遺補闕左右各一員皆三年為
 任仍面加訓諭官以遺補為名不任糾彈之職孝
 宗從之以許深夫薛象先充其職班著在監察御史

之上請給人從依監察御史例光宗立復省

直學士院

權直學士院
學士權直院

行官直院
翰林權直

直學士院自開寶二年盧丞相多遜始權直學士院

自開寶六年張舍人澹始翰林權直自乾道九年崔

舍人散始學士院權直自淳熙五年崔舍人敦詩始

國朝故事率以從官兼直院若左右史少卿監之類

則止稱權直院焉近歲崔大雅以樞密院編修官趙

大本以校書郎陳內翰宗召以著作佐郎兼直蓋特

命也紹興末高宗視師建康何內翰溥屬疾不能

從而直院虞并父使兩淮乃命唐立夫以起居郎兼

行官直院車駕還復省

庶官兼侍講

故事經筵官自兩省臺端以上並兼侍講若大卿監

以下則止兼崇政殿說書元祐中司馬公休以著作

佐郎兼侍講時朝議以文正公之賢故特有此命乾

道末張敬夫以吏部員外郎入侍經幄用公休故事

亦兼侍講焉自改官制後庶官非二史而兼侍講者

不數人范純甫司馬公休張敬夫是也國朝經筵非
進士出身者

三人吳傳正呂
原明張敬夫

翰林講讀學士

翰林讀講學士 真宗朝始置元豐官制去翰林字及學士名元祐中復之以命蘇子瞻趙元考而已渡江後獨范元長常一爲之

史館專官陸務觀本末

自 真廟以來史館無專官 神宗嘗欲付曾子固以五朝史事乃命爲史館修撰使專典領其後子固所草俱不當 神宗意書不克成 孝宗時修五朝史列傳久而未畢遂召李仁父洪景盧踵爲之皆奉京祠不兼他職者數年而史始畢蓋自開院至成書凡二十有八年秉筆者百有餘人時景盧請通修九

朝正史

上許之景盧復言制作之事已經先正名

臣之手是非褒貶皆有据依乞命後來史官無或輒將成書擅行更改然書未就而景盧去國淳熙末修

高宗實錄但以他官兼之至紹熙末年而功未及半陳君舉直學士院建請以右文殿秘閣二修撰并舊史館校勘三等爲史官自校勘供職稍遷秘閣修撰又遷右文殿修撰在院三五年如有勞績就選次對庶政有專官之效無冷局之嫌然亦不克行明年但增檢討官三員限半年畢其後又七年而 高錄始成時當修 高宗正史 孝宗 光宗實錄朝論

局无專官始外召傅景仁陸務觀為在京宮觀免奉朝請令修史于是務觀還政久矣乃落致仕以為同修國史兼實院錄同修撰焉務觀山陰人時年七十有八

提舉秘書省

提舉秘書省者官制以來无之政和中初置以命蔡攸其後秦伯陽繼居是任紹興末高宗召信安孟王忠厚後為醴泉觀使乃命提舉秘書省以寵之月過局如宰執例孟王薨亦省

提舉太史局

提舉太史局者舊率以近臣兼之熙豐間司馬公王和甫繼居是任後不復置紹熙五年十月復置以命薛象先明年何自然以非舊典為言遂罷去蓋務反趙子直之政而不詳考也太史局日官舊止于五官正孝宗時始增春夏秋冬中五官大夫

六院官

六院官檢鼓糧審官告奏進也例以京官知縣有政績者為之亦有自郡守除者則繼即除郎如鹿伯可是也故恩數畧視職事官而不入雜壓紹興十一年胡汝明以科院除監察御史遂遷副端乾道後相繼

入臺者有宋敦書蕭之敏陳升卿傅洪等數人而六院彌重號為察官之儲矣淳熙初龔實之秉政其內弟林宓幹辦審計司遇郊恩而林尚京秩乃白上以六院官班寺監丞之上林用是得封贈父母龔後為謝廓然所訐南竄此其一事也紹興二年夏六月院官始復入雜壓在九寺簿之下焉五月庚寅降旨

環衛官

環衛官者唐有之領宿衛兵若今之三衙 祖宗時其官不廢然无職事但以處藩帥代還及宗室除拜而已元豐官制改外臣皆不除惟宗室則如故隆興

中 孝宗始命學士洪景盧等討論故事因復置以

授武臣其法正任除上將軍承宣使至刺 遙郡除大

將軍以階官領刺史至承宣使為遙郡 正使除將軍武翼大夫以上 副使除

中郎將武翼郎 使臣以下左右郎將訓武郎 皆有添

給及從人而無職事若除管軍則解或領閣門皇城

司之類則仍帶焉惟戚里子弟不除是時李太尉顯

忠首除左金吾衛上將軍 上諭湯慶公曰此正如

文臣館閣耳平時在環衛中庶見得人才近歲郭太

尉果自右驍衛郎將受知 孝宗以本官

職事不二三年遂至邊帥矣迄今環衛官皆為將帥

之儲云

內侍兩省

入內內侍省內侍省者皆宦官職也舊號前後省紹興三十九年九月以前省无職事遂廢之今入內內侍省舊後省也吏額三十五人分五房所掌內殿引對羣臣發金字號收接邊奏賜臣僚到闕茶藥新除執政官御史中丞及賜宗室節度使以上生日宰臣以下夏臘藥春幡勝新火喜雪御筵每月奉香表往櫝宮忌辰酌獻看經設獄太廟荐新并奏告差宮闈令大禮執事升奏主進袞冕祈禱降御封香車駕行

幸差官應奉人使在道及到朝燕賜宣召學士及試官御試一行事務聖節賜宰臣以不齋筵 皇太子乳香執政官酒菓辦驗迎奉到御客賜蕃夷宴大朝會差應奉等官皆其職也其官有都知副都知押班等名渡江後又掌藏金國誓書及入寶內東門司內侍省屬也掌機密門戶合同憑由司掌御前及宮禁取索金帛御藥院掌應奉禮儀衣服湯藥舊制內侍遇誕節許進子年十二試以墨義卽中程者候三年引見供代繼興三十二年冬張真甫爲殿中侍御史以宦者員衆爲上言之 孝宗曰朕有此意久矣祖

宗時止許人進一子朕意欲依祖宗法真甫奏事畢
上曰此曹人多則黨盛今人數已不少若平時死
事猶可設使當母后少主之時豈不能為禍漢唐之
事是也遂命內侍省開具見在人數奏聞元年會慶
節權免進子于是定以二百人為額焉

閣門

閣門左列清選也舊有知閣門事同知閣門事多以
外戚勳貴為之其下有閣門宣贊舍人掌唱贊書命
閣門祇候掌侍衛班列乾道間孝宗始倣儒臣館
閣之制增置閣門舍人以待武舉之入官者先召試

而後命又許轉對如職事官供職滿二年與邊郡遂
為戎帥部刺史之選去近歲熊提刑飛譙知閣熙載
姜節使特立之進皆自此階故武臣以舍人為清要
紹熙初蔣介有召試之命葛楚輔丞相言介武學
第一人乞免試上從之

二月九日
丁卯降旨

建炎以來朝野雜記甲集卷第十一

宋 井研 李心傳 伯微 撰

官制二

宣撫使

宣撫使 祖宗時不常置有軍旅大事則命執政大臣為之累朝但除向文簡范文正富文忠文忠烈韓獻肅五人 仁宗征儂智高以狄青為宣撫使武臣為宣撫自此始熙寧末 神宗命郭達討交趾達前執政然但以招討使為名惜之也建炎三年張魏公以知樞密院事為宣撫處置使其後杜丞相周仲弼

孟富文趙元鎮虞并甫王公明鄭仲一沈德之輩皆自二府出而爲之虞公始以元樞除資政殿大學士矣上恐未足爲重後二日乃復帶知樞密院事焉若前宰相爲宣撫者則自渡江以後亦止除李伯紀呂元直朱藏一三人紹興元年劉光世以使相宣撫淮南武臣非執政而爲宣撫使自此始二年李泰發以端明殿學士爲壽春等州宣撫使文臣非執政而爲宣撫使自此始然自紹興至嘉泰武臣止劉光世韓世忠張俊吳玠岳飛吳玠六人從官止李泰發王伯召二人蓋重之也紹興末詔以楊存中爲江淮宣撫

使劉恭父不書錄黃遂寢其命時又詔虞并甫以兵部尚書爲湖北京西宣撫副使會存中命格于是復改川陝宣諭使而存中措置兩淮焉

宣撫處置使

宣撫處置使舊無有張魏公始爲之其行移于六曹寺監帥司皆用劄子而六曹于宣司用申狀紹興四年趙忠簡使川陝六年韓忠武使京東淮東皆帶處置字入銜然忠簡後不行而韓在山陽特隆其名而已非魏公處置之比也故事大臣爲宣撫使者于三省樞密院皆用申狀若建都督府則止用關而已隆

興初魏公以少傅為江淮宣撫使頃之拜樞密使都督江淮軍馬及符離師潰內外紛然公上表待罪上曰罷樞密使宰相陳魯公曰如此則是罷政乃降特進復為宣撫使陳正獻公時叅贊軍事言于孝宗曰降官示罰自古所有今雖張浚自請然人情觀望徒使號令不行請復正其名上不從周元特時為侍史亦言官爵者人臣一己之私其人有罪隨卽貶降則可也若都督之名則國家用人之權柄豈得亦行遞減上納其言遂復督府之名矣凡前兩府及從官為宣撫使于六部用申狀總領所用公牒監

帥司及所部郡縣得用劄子云

魏公為江淮宣撫使申明行移除三省樞

密院外並用劄子蓋以少傅劄六部也

宣撫副使

宣撫副使舊無有建炎三年周仲弼宣撫兩浙以郭太尉仲荀副之武臣為宣副自此始其後福建韓世忠川陝吳玠皆有此授紹興二年張忠獻既被讒將召歸先為置副命王伯召盧立之為之文臣為宣副自此始其後邵澤民踵為之然但帶權字紹興中胡承公鄭亨仲在川陝岳鵬舉在荆襄楊存中在淮北皆不置宣撫使而數人者第以副使為名蓋斬之也

朝野雜記十一
久之鵬舉落副字其餘則否

宣撫判官

宣撫判官者熙寧初韓康公使陝李邦直以知制誥為判官實上幙也紹興中劉彥冲嘗授張魏公便宜之命為宣判其後張宗元呂祉亦為之十年楊和王以太尉為淮北宣撫副使劉信叔以節度使為判官二帥禮抗權均猶轉運副使判官之比非復熙寧之制矣

宣撫使官屬

宣撫使官屬者張魏公出使張通夫深以端明殿學士程純老唐以寶文閣學士王子尚庶以龍圖閣待制並為謀議官劉彥冲子羽以徽猷閣待制為叅贊軍事趙應祥開以秘閣修撰為隨軍轉運使傅彥濟秀馮元通康國以尚書郎幹辦公事皆非常制也紹興四年始著令叅謀視提點刑獄叅議視轉運判官機幹在諸州通判之上至今不改

招討使

招討使古官也熙寧間始命郭宣徽一人建炎四年李成圍江州詔以張循王為江西招討使位宣撫使下制置使之上著為令紹興五年以岳鵬舉為湖北

襄陽招討使鵬舉蒲州縣官不法害民者許稜罷從之十年兀朮犯三京以韓張岳三帥兼河南北招討使三十一年海陵南牧以吳璘劉錡成閔吳拱李顯忠兼陝西河東北京東西招討使蓋遙領其地非張岳之比也隆興元年以顯忠為淮南京畿京東河北招討使邵宏淵副之未領職即罷

招撫使 招撫處置使

招撫使古無有淳化李末順招成都趙景蕭昌言以參知政事為川陝招撫使後不復置建炎初李伯紀奏以張龍圖所為河北招撫使所益都人嘗為監察御

史喜言兵汪廷俊等惡之未及出師而廢紹興十年虜復取河南地制以劉雍公光世為三京招撫處置使以援劉錡會兀朮兵敗乃駐軍太平州踰年復罷三十一年 孝宗即位以成閔張子蓋李顯忠三大將為河北京西淮東西招撫使子蓋死劉寶代之遠和議成乃罷

制置大使

制置大使古無有紹興三年趙忠簡始為江西制置大使其後席大光帥潭益李伯紀帥江西呂元直帥河南皆領之大光在成都得旨位宣撫副使上凡監

司不法許舉按八年李大發爲江西帥以前執政亦帶安撫制置大使是歲大光以憂去胡承公自給事中代之始去大字至今不改

制置使

制置使自熙豐後多以武臣爲之建炎元年郭太尉仲荀制置東南盜賊請監帥司並聽節制許之其後王襄愍淵劉武僖劉光世韓忠武世忠張忠烈俊岳武穆飛吳武安玠闕毅勇師古劉忠武錡皆爲制置使掌兵事建炎末議者令帥臣悉帶制置使張達明爲江浙帥以便宜竭取屬郡之財上聞之詔除用

兵聽依便宜餘悉禁止其他刑獄財賦事則歸之監

司焉

三年八月聞十一月辛亥詔旨

四年遂罷制置使之名惟統兵

官如故自休兵後獨成都守臣帶四川安撫制置使掌節制御前軍馬官員陞改於散類省試舉人銓量郡守舉劾邊州守貳其權略視宣撫使惟財計茶馬不與又有沿海制置使以明州守臣領之然其職止肅清海道節制水軍非四川之比也

宣諭制置使

宣諭制置使舊無有紹興元年上以江湖寇盜多貢賦不繼乃命孟富文以戶部尚書充江東西河南

宣諭制置使使理財賦治盜賊富文未行而秉政遂以爲福建宣撫使焉

宣諭使

宣諭使舊有之以宣諭德意爲職而已不與軍事渡江後所遣尤數紹興二年冬分遣御史五人宣諭東南諸路觀風問俗平反獄訟宣布德意踰年乃還六年又遣范右司直方宣諭川陝九年又遣方察院廷實宣諭三京皆使者職也時李察院宋被旨宣諭江西乃專督捕盜遂罷爲廣西提刑是年新復陝西詔檄仲輝以簽書樞密院事駐永興軍諭鄭亨仲以秘

書少監爲參謀予衛卒千人因制置移屯等事宜諭之權自此重矣十一年鄭亨仲宣諭川陝始建使名得與邊事三十一年汪中丞澈宣諭京西河北得旨撫勞將士體訪事宜三十二年虞雍公宣諭川陝乃專招軍買馬其年王瞻叔代之亦參軍政蓋自亨仲始後其權任在宣撫之亞焉

撫諭使

撫諭使建炎元年以路公弼耿伯頌爲京城撫諭使副使建炎四年以中書舍人李正民爲浙江河南撫諭使但令按察官吏能否伸理民間屈抑紹興元

年以吏部侍郎傅崧卿爲淮東撫諭使採訪民間利病及措置營田等事後不復置建炎初又命御史馬伸等八人撫諭東南兩河川陝三年命吏部郎中方聞撫諭淮東紹興二年命吏部郎中周隨亨駕部員外郎李愿二人撫諭川陝皆不帶使字其餘如建炎末周文若太傅使勞李成賜以器幣紹興初胡承公察院督捕閩盜亦皆以撫諭司爲名云

鎮撫使

鎮撫使舊無有建炎四年上自海道還會稽時江湖荆浙皆爲金人所蹂而羣盜連衡以據州郡大者

至十餘萬朝廷不能制范覺民爲叅知政事謂此皆烏合之衆急之則併死以拒官軍莫若析地以處之盜有所歸則可以漸制乃言于上請稍復藩鎮之制少與之地而專付以權擇人久任以屏王室羣臣多以爲不可覺民曰今諸郡爲盜據者已十數曷若朝廷爲之使恩有所歸上亦決意行之其五月覺民爲右僕射是月甲子覺民請以淮南京東西湖南北諸路並分爲鎮除茶鹽之利仍歸朝廷置官提舉外他監司並罷上供財賦權免三年餘聽帥臣移用更不從朝廷應付選軍興聽從便宜仍許世襲上

曰便令世襲恐太重當俟其別建大功然后許之時
劉盜李成在舒蘄桑仲在襄鄧郭仲威在維揚薛慶
在高郵皆卽以爲鎮撫使其後河南翟興山陽趙立
歷陽劉苾東海李彥先與薛慶皆戰死而淮寧馮長
寧以地降劉豫紹興初諸鎮或亡戰死遂不復除久
之但餘荆南解潛而已五年趙元鎮相召潛主官馬
軍遂罷鎮撫使蓋鎮撫使之有聲者文臣惟陳規武
臣惟岳飛王彥解潛李橫耳

發運使

發運使 祖宗盛時有之置司真州歲運江湖粟六

百萬斛以贍中都渡江後江湖寇盜多發運司第職
糶買而已紹興二年正月遂罷發運司以其錢帛赴
行在八年起居舍人勾龍如淵建言戶部非生財之
地請置諸路水陸度支轉運等使置司蘇杭戶部俾
郎李彌遜因請復置發運司別給糶本錢數百萬緡
廣行儲積分毫不得取供近用以待恢復之須徽猷
閣待制程邁爲江淮荆浙閩廣經制發運使專掌糶
事邁入辭上䟽言唐劉晏爲九使財賦悉歸于一國
朝始分爲二而三司使居中發運使居外相爲表裏
今租庸分子轉運司常平分子提舉司鹽鐵分子茶

監司以至鼓鑄則有坑冶司平準則有市易司總之
于戶部而發運使徒有其名固辭不行上不許已
而右諫議大夫李誼請令檢察營田市易等事俾總
六路而制其盈虛亦不行第令和糴而已其冬李泰
發秉政以爲虛糜廩祿請罷發運而復常平元年正
月遂廢發運司以戶部侍郎梁汝嘉爲經制使乾道
六年虞丞相當國三月奏復發運司以戶部侍郎史
正志爲江浙京湖淮廣福建等路都大使運使朝論
不以爲宜汪聖錫黃通老二尚書言之猶力執政皆
不之聽然正志實無能爲但峻督諸司州郡多取羨

財而已其年十二月正志以奏課誕謾貶乃復廢發
運使焉

經制使

經制使者宣和間陳亨伯資政始以大漕兼之亨伯
創比較酒務及以公家出納錢糧取其盈以佐用度
其後翁端朝中丞繼爲之紹興初與發運俱罷九年
正月復置以戶部侍郎梁汝嘉爲使司農少卿霍龜
爲判官以檢察內外失陷錢物舉催未到綱運措置
糴買總領常平爲職未幾曾諫議統言其無益而多
費遂省之十三年八月上諭大臣曰今漕司各掌

一路有無不能相通可倣發運置都轉運一員通掌
諸路糶糴選從官中通曉財穀者爲之 上雖有是
言然亦不克久也紹興中又有總制司以執政官領
其事先是經制司旣廢諸路貢賦或不時至五年閏
二月孟富文以叅知政事提領措置財用富文請以
總制司爲名許之其職略視繼制司七月富文罷詔
沈忠敏與求權領六年三月忠敏罷政詔總制司官
候除執政日取旨旣而不除後二年乃復置統制發
運使凡二司金穀本末語在財賦事中建炎初又以
馬忠爲河北經制使王燾傅亮爲河東經制副使各

雖同然實掌兵事云

都轉運使

都轉運使渡江後惟四川有之明受元年三月始以
黃右司槩爲四川水陸制置發運使置司遂寧府未
行而反政遂除兵部侍郎明年張魏公出使川陝遂
以趙應祥爲隨軍轉運使專一總領財賦應祥言總
領財賦于四路漕計或不相關當正其名使知有所
統屬張公是之紹興六年冬遂除應祥都轉運使後
又置副使或判官十五年省都轉運使以其事歸宣
撫司用鄭亨仲請也其年十月汪侍郎勸言制軍給

食通而爲一雖察院戶部不得而專于是復置總領
紹興二年十月嘗置江湖等九路
都轉運使置司湖州未幾卽廢之

總領諸路財賦

總領財賦古無其名靖康末高宗以大元帥駐軍
濟州命隨軍轉運使梁楊祖總領措置財用然未以
名官也建炎末張魏公同趙應祥總領四川財賦始
置所係銜總領之官自此始其後大軍在江上間遣
儀曹或太府司農卿少調其錢糧皆暫以總領爲名
而四川改置都轉運司故總領又廢紹興十一年諸
將旣罷兵乃置三總領以朝臣爲之皆帶專一報發

御前軍馬文字蓋又使之與聞軍政不獨職餉饋而
已凡鎮江諸軍錢糧隸淮東統領治鎮江建康池州
諸軍錢糧隸淮西總領治建康鄂州荆南江州諸軍
錢糧隸湖廣總領治鄂州其序位在轉運副使之上
十五年復置四川總領治利州天下凡四統領矣乾
道七年併淮東總領所入淮西亦有發運使故也未
幾復舊然東南三總領皆仰朝廷科撥獨四川總領
專制利源卽有軍興朝廷亦不問故趙應祥催鹽酒
而王瞻叔括田契以佐軍需云

館職爲總領

諸路總領故事皆帶在內金穀官若太府司農卿少
丞戶部列曹郎中員外郎之類淳熙中趙溫叔用字
文郎中子震爲淮東總領時宇文尚爲館職以未歷
郡不可除郎乃命以著作郎兼權金部郎官爲之以
館職領錢糧事非舊典也常時皆不以爲然

提點鑄錢

提點坑冶鑄錢公事自咸平初有之渡江後屢罷屢
復論在財賦事中乾道六年併其事于發運司發運
司罷遂復之淳熙五年又加都大二字于提點之上
以倣川秦茶馬後又置提點江淮坑冶鑄錢云事以

淮西漕臣兼之

武臣提刑

武臣提刑 祖宗政來有之復罷去建炎元年以盜
賊未衰復之然但管提殺而已四年又罷之乾道六
年五月復置諸路各一員皆選公廉曉習法令民事
之人如無聽闕大臣乞依故事如同字不從于是武
憲橫于四方至有六曹尚書典藩而被按者淳熙末
上知某不便遂不復除今止除朝臣一員而已

提舉常平茶鹽

提舉常平官自熙寧初置元祐紹聖間罷復不常建

災元年五月復罷二年八月復諸道常平官還其糴本自青苗錢不散外常平免役之政皆掌之九年置經制司改常平官爲經制某路幹辦常平等公事未幾經制司罷復爲常平官久之復置提舉東南以茶鹽司兼領四川以提刑司兼領仍別置官吏及歲舉陞改員然常平錢皆取以贍軍今特掌義倉及水利役法賑濟等事而已無復平糴之政矣

安撫使

安撫使舊號帥臣 祖宗時惟陝西河東北三路及益廣桂有之建炎初李伯紀建言諸道皆帶安撫使

而廣東西仍舊制加經略二字其制今存然兵事皆屬都統民政皆屬諸司安撫使特虛名而已又有管內安撫者自軍興以來有之蓋諸將在邊假使名以爲重事定亦廢今金黎楚等數州以極邊得存又有有廣西安撫都監邕州守臣兼帶管安撫都監瓊州守臣兼帶外此則俱不帶云

馬步軍都總管

馬步軍都總管 祖宗時大帥職也舊名都部署避英宗諱改之三路帥臣得兼事權甚重以武臣爲之副今江浙淮廣荆湖利路帥臣皆帶都總管但存

虛名而其副特以處貴游外戚及離軍之人無可釐之務蓋以厚祿優之非復 祖宗之制矣

兵馬都鈐轄

兵馬都鈐轄 祖宗時不常置成都大府也帥臣第帶兵馬鈐轄而兩武臣之爲鈐轄者與鈞禮熙寧茂夷之變蔡仲遠自謂入蜀始以都鈐轄爲名蔡下令兩鈐轄循堦 神宗不樂遂罷歸于是馮當世以前執政來爲安撫使而都鈐轄之名不等矣建炎末宣撫使始命盧立之復帶都字自後益瀘夔廣桂五州收皆以都鈐轄爲稱而贛州以多盜其守臣亦帶江

西兵馬鈐轄至于武臣爲都鈐轄者亦無尺籍伍符然每歲猶往諸州按閱特存故事而已間有得旨葺治軍器或訓練禁軍者則仍帶入銜云

諸軍都統制

諸軍都統制古無其官宣和間西南用兵大將或三四人不相統一故即其中拔一人爲都統制以總之兵罷則如故建炎元年五月旣置御營司遂擢王襄懸淵爲都統制都統制官名自此始其後神武五軍及川陝宣撫司都督府樞密院皆有之紹興初諸大將官旣尊悉號宣撫使其將佐則謂之統制官去都

字十一年三人將兵罷乃擢其偏裨為御前諸軍都
統制自大尉至諸司使副皆得為之惟官至使相帶
領都統制職事十八年川陝三大將亦如之今興元
江陵建康鎮江府呂金鄂江池州及平州許浦水軍
官皆除都統制恩數略視三衙權任在帥臣之右焉
官卑者止亦稱副都統制

副都統制

副都統制紹興七年始置後省乾道三年五月荆南
都統統王宣久病上恐其不起且方邊報不一乃除
琦為副使同管軍欲俟宣疾愈改授已而論輔臣曰

朕欲今後江上諸軍各制副都統一員令兼領軍儲
他日統帥亦使主將顧忌不敢擅專妄作大臣皆
曰善 上因欲令諸軍中自推遷葉子昂丞相言不
可 上語曰極善當自朝廷除人不然卽似唐藩鎮
大臣言副都統制禮數宜有隆殺且為條約將上
上曰如此庶幾他日不致爭權越禮誤國家事遂行
之然興州自吳挺亡後未嘗除人蓋重之也其他軍
數少者都副統帥亦不並除云

統制統領官

統制統領官三衙及御前軍將佐也 祖宗時發兵

但以路分州都監等領之 神宗用兵始置百三十
將是在鈐轄路分之外矣渡江後大軍又有統制同
統制副統制同統領統領等其下乃有正將
副將準備將之名皆偏裨已舊制準備將而自主
帥陞差仍先申樞密院審察乾道七年建康都統制
王宏罷乃陞差將佐數百人代者王友直言于朝二
月庚申有詔訓練官部隊將而下軍中一陞差仍
申朝廷照會紹熙四年正月乙酉詔江上諸軍陞差
統制至準備將者令主帥解發三人赴總領所選擇
一名事既行諸將皆不以爲便慶元三年二月戊午

詔今陞差並委主帥選擇令總領或屯軍處守臣審
覈保明申樞密院紹熙指揮勿行自是主帥之權復
重矣

建炎以來朝野雜記甲集卷第十一

建炎以來朝野雜記甲集卷第十二

宋

井研

李心傳

伯微

撰

官制三

皇子除官例

祖宗故事皇子初除防禦使

太祖第二子及英宗初為皇子時並除防禦使

太宗以後或封王或封國公

漢恭憲王初封衛王鎮恭懿王初封徐國公之

類其間亦有封郡王郡公者

昭成太子初封廣平郡王吳榮王初封安樂郡

類公之神宗諸子初除皆節度使封國公稍遷郡王加

平章事

平章事今開府儀同三司

至出閣封王則始兼兩鎮加司

空後皆因之

司空今少保

紹興末莊文太子自蘄州防禦

使躡拜少保封鄧王淳熙末 今上自安豐軍節度使亦拜少保封嘉王蓋重長嫡也視祖宗時恩數爲優云

親王贈官例

舊制皇子皆贈三師二令元豐改官制以侍中中書尚書令爲三省長官不爲贈典乾道中正丞相官名削侍中兩令之位故魏憲惠王雖 孝宗愛子生止爲使相薨止贈兩州牧蓋 上意以子弟居師傅官不順而三省長官已廢故但以州牧優之慶元中嗣秀王以山陵總護之勞當遷而官已至太師乃拜兼

中書令王

上有錫子亦贈太師中書

令追封 官制已無二令之名此有失于詳考也

宗室兩鎮節度使

故事同姓秉旄者非親弟愛子無得兼兩鎮熙寧初惟相孝定王允弼定榮易允良以屬近行尊乃得之慶元初嗣秀王伯圭既辭中書令詔有司別議優崇之禮始命兼兩鎮焉國朝二百五十年宗室秉雙旄者僅三人耳

知大宗正事

通本
兼之

知李校置

知李校置
宰相

知大宗正事 仁宗始置用 太祖 太宗之後屬
近行尊者各一人于是首命濮安懿王為之自是率
以道屬官至相王者領焉渡江後頗用南班往往多
不得人無以表率更事刻削宗室皆患之淳熙初宗
正官闕趙溫叔言崇宣簡公不憊之賢自江西轉運
判官召為右監門衛大將軍忠州防禦使知大宗正
事非常制也不真字仁仲曾祖懷榮穆王宗暉蓋濮
王第六子祖仲損沂王父士圖以南班扈駕北遷乾
道中遙拜集慶軍節度使仁仲中進士第所至有聲
積官昭慶軍承宣使在宗司數言天下事 上甚重
之其諸孫多進士高第者

宗室奉使

自熙豐以來宗室雖為外官未嘗有出使者乾道七
年春趙溫叔為賀金國生辰使 孝宗特命武翼郎
兩浙西路兵馬鈐轄伯驪副之時方議受書禮故特
選之為介也近歲義不避艱皆以尚書郎使北蓋用
伯驪之例云 淳熙十一年親賢宅多才為正旦副
使南班近屬出疆者止此一人耳
宗室知舉及任學官

紹興末 孝宗有詔宗室不許注學官 七月乾道中
丁未
師烜者廷試中甲科自言于 上以是許注甲科 八年

五月淳熙中既詔宗室省試十人取一吏部尚書周
洪道乃請許充學官及考試從之六年十一月壬午紹熙中
遂命趙子直知貢舉而外郡至今不差試官蓋有司
循習之故也

三公備官

三公自 祖宗以來罕嘗備官獨宣和末三公至十
八人三少不論也太師三人蔡京童貫鄭紳太傅四
人王黼燕王僕越王偲鄆王楷太保十一人蔡攸肅
王樞至儀王樛渡江後以用兵故紹興十二年秦申
王為太師張循王韓蘄王為太傅劉安城王為太保

吳校點去
至字
李校儀王

其後乾道初楊和王吳信王並為太傅紹熙初史會
稽王為太師嗣秀王為太保蓋自紹興後三公未嘗
備官焉

太師並除

故事太師未嘗並除紹聖初始有文潞公彥博吳榮
王顯宣和中蔡魯公京童貫鄭平樂王紳靖康初燕
王僕越王偲紹興中秦申王楷張魯王俊紹熙末史
會稽王浩嗣秀王伯圭

文臣節度使

節度使 祖宗時非近屬及有大功者不除宣和末

奉核得拜者

節度使至六十人議者以為濫親王皇子二十六人宗室十一人前宰執
 二人大將四人外戚十人宦者恩澤七人靖康初因中丞陳賓王言九人
 換授梁師成朱勔梁方平以罪死而宗室以尊恩建
 節者十有四人將帥得拜者二人凡六十有二人以
 月奉及歲賜計之是一年費緡錢七十萬也渡江後
 節度使率不過十許人自建炎至嘉泰宰相特拜者
 六人呂忠穆張忠獻虞忠肅皆以勲史會稽王以舊趙衛公葛鼓公以恩執政一人葉
丞夢從官二人而已張端明登楊學使

外戚節度使

國初外戚罕有建節者

太祖時杜審言進以元舅

元本忠厚今改忠厚

之尊窮老才得節度使 仁宗用張堯佐一時名臣
 力爭之其後除拜浸多中興後外戚節度使二十有
 二人孟后姪忠厚 鄭后姪孫藻 韋后弟淵姪謙
 讜 邢后父煥弟孝楊 吳后弟益蓋姪琚環壽
 郭后弟師禹 夏后弟執中 謝后弟淵 李后姪
 孝友孝純 韓后曾季祖侂胃父同卿從祖邈 徽
 宗王貴妃父舜民高宗劉貴妃父懋

恩舊節度使

哲廟以前節度使未有以恩澤除者若王顯張冕輩
 雖以舊恩貴然皆以嘗任密府乃得之崇寧後始

夏李校冕

譙令雜吳
校譙雜

除郭天信朱勔二人紹興中曹勛韓公裔乾道中曾
觀嘉泰中姜特立護王雍皆以攀附恩系官節度
使

宦官節度使

真廟以來宦者官雖尊止于遙郡承宣使而已宣和
間始除童貫楊戩梁師成譚稹李穀梁方平等十許
人靖康初政皆既奪之渡江以來間有為正任承宣
使者慶元中王德謙已除節度使大臣交奏乃不行
德謙亦坐斥語在時事中

兩鎮三鎮節度使

國朝元臣拜兩鎮節度使者才三人熙寧初韓魏公
元豐中文潞公紹興中呂誠公是也然三公卒辭之
渡江以來諸大將若韓張吳岳楊劉之流率至兩鎮
節度使其後加至三鎮者三人韓蘄王鎮南武安寧
國張循王靜江寧武靖海劉安城王寧國寧武保靜
舊制惟婦人封得兼兩國若大長公主及上乳母
皇太后姊妹皇后母之類是也政和中蔡京以明堂
成封陳魯國公辭不拜其後童貫遂封徐豫國公紹
興中秦檜以進書恩亦封秦魏國公大臣兼封止此
三人而已時京檜卒辭于是三代及小君皆加兩國

之贈乾道末 上既立太子欲加恩魏邸始封韋夫

人為韓魏國夫人親王夫人兼封亦前此所未有後自

恩平王夫人吳興俞夫人及國母卜夫人並用此例

兩國公主 兩國夫人

故事郡王未有兼封者崇寧中 上謁漢安懿王祠

時王女惟曹氏婦安康郡主在乃特封安定普寧郡

主賜甲第居之其後未有此比

郡公不著開國字

國朝封爵之制階至奉直大夫職至權侍郎已上遇

郊封縣開國男若從官經恩則累加至某郡開國公

若將相虛邑實封通滿萬戶則封國公而無封郡公

者惟宗室追封則有之凡宗室贈節度使則追封國公贈承宣使則

察防禦使則追封侯近歲費戒父以避祖名始詔繫銜權不著

開國字亦前此所未有

執政為閣學士

故事曾為宰相不為資政殿學士蓋降職至大資政止曾任執

政不為閣學士蓋降職至端明止淳熙中魏丞相杞初以端

明殿學士起蔡而林樞密安宅亦以龍圖閣學士奉

祠前是舊相未有為端明若閣學士以前執政為之

則自張天覺路公弼後惟秦會之餘黨李文會巫伋

等八九人其執政僅三月餘故用此例

庶官除次對

庶官補外未嘗有除次對者紹興初太常少卿蘇遲密院檢詳歐陽懋請外時方錄用常人子弟大臣以蘇文定公之子而歐陽文忠公之孫也皆特除待制與郡論者以爲言乃改集英殿修撰焉其後少常久次者始得除直龍圖閣檢詳以下罕得職名者云

外官除次對

祖宗時自三司使御史中丞翰林學士知制誥之外未有侍從職事官故邊帥積勞者率以直龍圖閣除

天章閣待制元豐官制後惟實歷權侍郎以上乃得之淳熙中吳茶馬總程舍人叔達皆自外除待制蓋殊命也趙子直當國言者以爲今賢士大夫往往不樂爲外官蓋外權太輕雖欲有所施設而不得騁故也今日之勢莫若兼重外重外之術必使帥漕總領可以馴致于從官而後可久任可久任而後可以責事功詔可紹熙五年十一月戊申未幾子直去位亦不克行慶元初楊廷秀始自外祠除華文閣待制

寄祿官分左右

寄祿官分左右字元祐政也紹興初復舉行之淳熙

初宗室善俊者建言以為本范純仁偏見 孝宗納其說又去焉今任子雜流惟經轉通直郎奉直中散大夫如故若帶貼職則超資焉故小京官鎖廳登第者號為平遷兩任經轉三官蓋有出身人不為監當故也

中散大夫七樣錦

中散大夫舊謂之十樣錦今不然矣舊奏子職官今初品官耳初奏通仕郎出官與將仕郎同但以拜命日理服色耳目舊身後許上遺表推一子恩今減一年磨勘耳奏薦雖不隔郊然滿四名有止法其實與正郎無異他所存但虛文謂

奏子本校
耳目本校
研月

校

之七樣錦可也

減年對實歷磨勘

舊制以恩例減磨勘年皆率以四年為一官故有初改官入部數綱而徑轉朝奉郎者朝廷患之隆興二年春始著對使實歷之令及乾道三年郊祀左選奏補三百人右選千七百餘人六年郊祀左選奏補二百餘人而右選如故蓋以文臣對使實歷故也淳熙中議者請祠官無實歷者雖遷至員外郎以上毋得任子事下祕書省史院特鄭少嘉尚書修國史建請京朝官以上須實歷一任者乃許任子孫八年正月辛未從

之

選人改官額

選人改官舊無定數紹興後多不過九十人少或至五十人紹興二十年八十八人二十五年六十八人三十一年七十四人三十一年五十八人捕盜及職事官皆不在數三十二年遂至一百十三人孝宗患之隆興元年四月詔以百員為額乾道三年七月又通四川為百二十員七年十月有司請不限員奏可時虞丞相當國也淳熙初上以官冗稍嚴陞改之令于是六年引見改官不及七十員而捕盜在焉周洪道為吏部尚書七年二月因請以七十

員為額是年四月又增八十員職事官并引見改官六十五人四川換給一十五人特旨改官不與十三年三月又詔職事官改官八十員歲額之外自是歲改京官者僅百員迄今遂為永制

奏舉京官

奏舉京官 祖宗時無定數有其人則舉之太平興國後諸州通判亦得舉行京官熙寧中取以為提舉常平官員數元祐中嘗暫復之至紹聖又罷淳熙六年九月上以歲舉京官數濫命給舍臺諫議之王仲行希呂時兼給事中乃請六曹寺監戶部右曹郎官同歲減

與校點去
行字非是

舉員三之一諸路監職減四之一禮部國子監長貳
減三之二前執政歲減二員諸州無縣者歲止一員
歲終不除運副而判官補發者不理為職司奏可慶
元十年十一月復詔判官補發副使狀理為職司又
詔職司狀不得用二紙用姚察院愈奏也在京選人
舊無外路監司薦舉渡江後詔以六部長貳作職司
乾道七年九月罷之惟館學官通理四考不用舉主
改官蓋 累聖優賢之意

減舉史員 館學改官例

二員與校員非是

近制選人實歷十二考者減舉官二員先具 和興二

制定與校刪定非是

十九年七月敕令所制定官嘉興間人滋請歲于改
官員中差減員數以待實歷十考舉主不及格之人
庶抑貪冒而養廉潔 上命給舍議之洪景盧張安
國言此法一開則選人不出十餘年坐至京秩乃止
隆興初始舉行之舊舉主須員足乃以其牘上若將
舉物故或罷免則不計故有得薦牘十餘而不克磨
勘者淳熙中始有遂旋放散之今人皆便之 隆興元
年三月
已酉詔選人十二考
無贓私罪者減舉主

制定與校刪定非是

改官須入

初改官人必作令謂之須入紹興中數申嚴之後亦

或廢 孝宗卽位持之甚嚴慶元初復詔除殿試上
二名南省元外並作邑五年四月又用程察院松言
詔大理評事已改官未歷縣人並令親民一次著爲
令舊捕盜改官人並試邑是月陳正言自強請初任
未終之人先注僉判一任方許親民從之自後雖宰
相子殿試甲科人無有不宰邑者矣

廣南攝官

初 祖宗朝以廣南北遠例入不足以資正官故使
舉人兩與薦送者試刑法于漕司以其合格者攝兩
路正攝凡五十人月俸人十千米二斛滿二年則錫
以真命後又增五十人號曰待次崇觀後又增五十
人號曰額外其注擬皆自漕司建炎初敕歸吏部踰
年無願就者吏部請復歸漕司從之

宮觀使 祠官供給

近制前宰相見任使相道京祠者並爲宮觀使若在
外則少保以上始得使名使相已下提舉宮觀而已
淳熙初史會稽王以崇信軍節度使開府儀同三司
提舉洞霄宮蓋用此制紹興初趙衛公以衮鉞充醴
泉觀使家居非舊典也近歲葛文定以覃恩除使相
亦止提舉洞霄宮舊祠官無供給政和中蔡京著令

庶官降本資序二等侍從以上不降趙忠簡為相始除之

功號

功號始唐德宗國朝因之至元豐乃罷中興後如賜者三人而已韓蘄王世忠揚武翊運功臣張魯王俊安民靜難功臣劉安城王光世和眾輔國功臣此外惟安南國王初除及經恩亦如功號

檢校官

檢校官者自唐以來有之凡內職崇班今修武郎武臣副率以上初除及加恩皆帶若文臣則樞密宣徽節度

學使

使始帶焉自三公謂大尉司徒司空三師僕射尚書常侍至賓客祭酒凡十餘等元豐改官制武臣承宣使已下皆罷惟存檢校三公三師以待節度使之久次者政和後改三公為三少若武臣累加至檢校少師則拜太尉文臣累加至檢校少師則拜開府儀同三司安南國王初襲封加檢校太尉經恩遷檢校太師外蕃刺史則檢校太子賓客此外皆不帶云

勳官

勳官者自戰國以來有之至唐始以為虛名國朝循唐制文臣朝官武臣崇班以上遇恩輒加之由蠻騎

吳校等勳

恩奉校

吳文粹

尉至上柱國凡十二轉政和中罷淳熙中朝議欲復之以旌有功加貤職之比後亦不果行今惟安南閩婆占城三國王始加封上柱國南丹州刺史加武騎尉焉

天聖至嘉泰四選人數

祖宗時內文武官通一萬三千餘員天聖中兩制兩省不及三千員京朝官不及二千員三班使臣不及四千員慶歷中兩制兩省至五十員京朝官二千七百餘員流內銓選人僅萬計乾道中京朝官已三千四員選人亦七八千員紹熙二年京朝官四千一

其後二千員
與校五千員

百五十九員合四選凡三萬三千一十六員慶元二年京朝官如紹熙之數選人增至一萬三千六百八十員大使臣六千五百二十五員小使臣一萬八千四十員通四選凡四萬二千有奇蓋五年之間所增僅九千餘員可謂官冗矣嘉泰元年春左選京官以上三千一百三十三員選人萬五千二百四員大使臣以上六千八百五十四員校尉以上萬二千六百十六員通四選共三萬七千八百餘員是五年之間所損僅四千餘員未知何故

堂後官

堂後官謂三省諸房都錄事也補職及一年改宣教郎滿五年願出職者與通判十年以上與郡建炎初李伯紀為相建請堂吏出職止通判從之迄今不改

省部樞密使吏額

尚書吏額二百四人

正額都事主事令史書令史守當官共七十四人守闕一百三

十人分房

中書門下省吏額二百三十八人

正額錄事已下

八十八人守闕一百五十八人

中書樞密院吏額三百

六分門下省四分

房十有二 尚書六曹

吏額九百二十人

主事令史書令史守當官四等共四百九十五人正貼同私名樞書

法司四等共四百二十五人

吏部七司三百五十九戶部五司二百八十八禮部四司五十六兵部四司

一百三十五刑部四司六十三工部四司二十九

建炎初

上幸淮甸二省

吏至揚州者二百五十八人而已詔皆遷一官其後

滋益多三年乃命有司立額

州縣吏額

紹興末州縣吏額猥多二十六年八月湯中丞

鵬舉

請省之以寬民力事下諸路常平司時浙東七州吏額四千人提舉官趙公稱首奏損其半他路率倣此然今州縣吏額雖減而私名往往十倍于正數民甚苦之

歷代通鑑輯覽
卷之

丙戌九月初二日錄下畢此卷是日錫
峯自杭來聞八月二十八日嚴子淳大
之計為之嘔泣蘆渚悼典堂寫舍記

建炎以來朝野雜記甲集卷第十三

建炎以來朝野雜記甲集卷第十三

宋 井研 李心傳 伯微 撰

取士 選舉學校鄉飲酒

制科自紹聖初廢紹興元年春正月詔復賢良方正
能直言極諫科有司講求舊制每科場年合中丞給
舍諫大夫學士待制三人學一人不拘已任未仕命
仍以不曾犯 先具詞業繳進 策論共 送兩省侍從忝
賍私罪人充 考分三等文理優長為上次優為中常平為下次優
以上並召赴閣試歲九月命兩省學士官考試於秘
閣御史監之試六論 每首五百 于九經十七史七書

月乎准已卷十三

國語荀揚管子較子正文內出題差楷書祇應四通
以上為合格仍分五等以試卷繳奏御前折號入四
等以上名赴殿試其日上臨軒親策限三千字宰相撰
題差初覆考詳定官赴試人引見賜坐殿廊兩廂設
垂簾幃幕青褥紫案差楷書祇候應內侍賜坐茶
對策先引出處然後言事第三等為上恩數視廷
第一人第四等為中視廷試第三人皆賜制科出身
第五等為下視廷試第四人賜進士出身不入等與
簿尉差遣已上並謂白身者若有官人則進一官與
陞擢舊制六論與正文及註疏內出題至是有同請

除疏義弗用乾道二年夏六月孝宗以久無應詔者
乃詔權于經史諸子正文出題又以士人身在幽隱
無由自達乃許監司守臣解送四年三月後數歲乃得李
仲信焉

乾道制科恩數 李仲信本末

自復制科七十年但得李廔仲信一人而已初紹興
七年冬呂安老舉選人胡邦衡而汪彥章舉布衣劉
汝一邦衡遂除樞密院編修官乾道三年虞雍公撫
蜀首薦仲信于朝不報五年春汪聖錫為吏部尚書
復以應制詔上其詞業時廔父仁父為秘書少監也

應為當是
因為之誤

其冬禮部言李庠詞業乞送兩省侍從參考訖依紹興元年九月指揮施行鄭重一三省勘會李庠詞業已經御覽陳應求虞并父為左右相有旨特令來年三月依格召試命下左正言施元之德初方候對因為起居郎兼權中書舍人林機景度言故事無獨試者當繳之景度即奏制舉所以待非常之才渡江以來從臣亦常論薦其人若劉度祝鑑是也然皆請而不報蓋事體至重不可輕也按坊邦衡亦與呂安老舉賢良詞業上即日除樞密院編修官景度蓋未知此今復此舉必依祖宗典故勿使論者可得而議其失則國家可以示公而庠之得此名亦無忝矣謹

考舊制具本人詞業繳進送兩省侍從參考分為三等次優以上並赴閣試糊名考校無一人獨試者今李庠詞業未經參考而入獨試一名恐非典故今所錄黃未敢書行德初亦奏祖宗制科之設自有典故今李庠詞業雖除付後省未有詔令參考繳奏指揮處有召試中書之命即是未應前後典故兼國子監看詳明言合送兩省侍從參考况將來閣試六論典故亦須三四人以上糊名考校無一名獨試者乞重此非常之科且以庠詞業令有司公共參考來上俟相繼有一二人然後俾之就試庶幾有得賢之實無幸

進之譏詔降汪應辰李燾有妨嫌外令兩省侍從官
參考聞奏十二月丙午指揮既而上聞二人握手私

語乃大怒之左相陳應求奏元祐中有獨試故事機

為人所使因論二人之姦後二日詔林機施元之身

居出納言責之地朋比相通可並放罷十二月二十

六年夏兩省侍從參考到屋詞業援証既詳遣辭

亦瞻欲為次優戶書會欽有旨八月下旬召試四月

日癸後十餘日利路又繳到吳淇應賢良科詞業詔

參考聞二十六又月餘應求坐論祈請事免相五月

日巳仁父亦出漕湖北六月二十時虞并父獨相仁

子罷于字
煥于字

賢良方正
科二字原
本是小注

當是謝悰
故事而厚
學涉荒淺

父與應求素善疑當路阻之入辭面奏疏言制舉獨

試一人雖有頗贄林陶李致高志寧錢彥遠吳奎趙

彥若謝悰故事而學涉荒淺恐不足當此異恩別致

人言乞候將來更有進卷合格當召者許令同試上

不許仲信乃乞隨侍并父為奏有旨別聽指揮七年

春科詔既下并父因進呈召試賢良當降召上旨數

十年來未有應此選者并父曰昨李屋以得旨召試

或者以與其父不相樂聲言欲阻之屋以此欲隨侍

上曰今可召試矣令九月召試中書四月四日九月戊

戌召試中書後省前一日命學士嚴考至日嚴考試

相治或相
治之與
當是記試
題難

逢舉就選
取
水之疑
對之候

右史李秀叔參詳比試仲信凡五通六論題一曰明
主有必治之道
二曰湯法三聖三曰人者天地之心四曰歷律更
相治五曰三家言經得失六曰楊雄張衡孰優
月乙巳進呈 上曰昨李扈程文亦好一日之間成數
千言良下易也并父日記題誠難扈能記其五 上曰
湯法三聖出功臣表而扈以諸侯王表却是記得全
文不差十一月甲戌上親策于集英殿有司考入第
四等戊寅 上特御殿引見賜制科出身故事賢良方
正無唱名之例而禮部言若倣選舉進士皇帝御殿
推恩足彰崇儒求言之盛遂從之周子充為禮部侍
郎林謙之兼權郎
官 尋授左文林郎瀘州郡節度推官淳熙初為祕書

出諱字有
諱
差日字有
訛

省正字兼國史院編修官累遷著作郎被章去久之
奉祀歸蜀而卒李文簡與孫特齊書云後被令旨八
月次旬召試造物者意乃不然公出
諱以沮過尋因人辭力告上乞免上迄勿許仍宛轉
託渠具奏始有旨別聽候旨擇其間曲折甚多扈必
且報而虞直闕公亮行狀乃云李應制科選日命官
且試矣會有人欲播阻之者李不復望試從公圖之于
是虞公亟入奏用蕪子由以病展日故事為更命官
改日鎖院今以史考之未見改日命官之事亦不省
出諱謂何雖虞公數論林施不當罪
復以郡處之然卒獨試者虞公力也

制六科題 淳熙再試科制本末

制六科題舊以四通為合格淳熙四年李仲信之弟
塾李修復舉賢良方正南士頗嫉之而近習貴璫又
恐制策之或攻已也共播沮焉會台守趙子直舉宜

教郎姜凱信守唐與正舉迪功郎鄭建德吏部侍郎
 趙粹中舉亳州布衣馬萬頃應詔 上問輔臣故事
 召試賢良當有黜落者否執政對曰昨來召試只李
 廔一人他日若試數人須有優劣既 觀察院緯文上
 章言制科論策皆燈窗著迷之文而策限三千 字無
 平日待對之語惟六論一場所當加意若罷註疏命
 題而復以四通為合格則與應進士舉一場試經義
 五篇者何異試之日有詔以五題通為合格是歲始
 命糊名謄錄如故事所試六論一日因者居之綱二
 日易數家之傳孰優三日前世歷法多差四日十二

節備如何五日王學本賈氏六日動靜繁寡如何後
 二日考試院言試卷內多有不知題目出處及引用
 上下文不盡止有僅及二通者上命賜束帛罷之舉
 者周益公輩皆放罪或曰故事六題一明一暗上有
度數及事數是時舍人錢師魏素與周李諸人異趣
謂之暗題且承嬖近旨奏言制舉甚重須稍難其題御筆因差
 師魏考試故所命皆暗題云仁父時為禮部同修國
 史仲信為著作即未幾仲信被旨考上舍試因策問
 本朝制科典故有云蘇洵皆嘗黜落富弼張方平粗
 識題意亦不免錯悞坐此為臺官所攻皆罷去仲信

雜錄

過亦罷明年秋言者又論註疏命題蓋以觀其博洽
謂宜復舊又從之十一年夏校書郎虞商衡轉論制
科取士不必拘三年之制 上諭大臣曰賢良得人
國家盛事遂特以六月丑日降詔然未有應者十二
年春李獻之以右史直禁林面奏賢良之舉肇自漢
文本求謹言以裨闕政未聞責以記誦之學也使其
才行學識如晁董之倫雖註疏未能盡記于治道何
損乃復罷註疏命題于是陳天與守池舉郡人莊治
邱宗卿守平江舉郡人滕成十三年六月召試六論
題一
日身者治之本二曰聖人通天地之心三曰五星為經
緯四曰歷代有本于易五曰六德以民為紀六曰日岑彭

馮異之功孰大

二人皆四通顏侍郎師魯為考官言其文理

平常不應近制遂罷自是制科無復得試者矣

博學宏詞科

試格恩例附

博學宏詞科紹興三年七月置始紹聖既廢制科不
用創宏詞科大觀中改為詞學兼茂至是用工部侍
郎李擢奏別立此科以制誥詔書表露布檄箴銘記
贊訟十二件為題古今雜出六題分三場每場一古
一今遇科場年應命官除歸明流外進納及常犯賊
人外許徑赴禮部自陳先投所業三卷朝廷降付學
士院考其能者名試現任官經所屬投所業
應格付員試然後離任禮部貢

小註未句
有說

當是無出
身人

此等

院知舉官分三等考校以合格真卷納中書省看詳
宰執將上上等遷一官選不改京官無出身人賜進
士及第並免召試除館職中等減三年磨勘與堂除
無出身人賜進士出身並擇其尤者召試館職下等
減二年磨勘與堂除一次出身人同進士出身遇館
職有闕亦許審察召試初詞科惟有出身許應上
卽位以用武權停比擢請復科而其子益能粗有文墨
于是有司看詳兼許任子就試非舊典蓋爲益能計
也然益能卒不能與選自立科後入中等者惟汪叔
詹洪景嚴湯進之三人其六十九人皆下等蓋斬之

也舊例每舉合格不得過五人若人材有餘臨時取
旨紹興後所取未嘗過三人淳熙八年以後又止取
一人慶元五年應宏詞者三十有一人無合格者也

三歲取士

三歲取士祖宗舊制也建炎元年當省試以岳城故
展用二年紹興元年當殿試以行明堂禮亦展用二
年一年當秋試廖中承剛建言以治平以來三歲舉
士率用大禮科場省殿試爲三年故任子與登第人
注闕無妨而漕司經費亦給自軍興再展今秋試與
大禮相妨請展一年以應古制上納其言乃詔諸

州以十年發解而十二年省殿試焉自後科場以十二年為準

四科

祖宗以來但用詞賦取士 神宗重經術遂廢之元祐兼用兩科紹聖初又廢建炎二年王唐公為禮部侍郎建言復以詞賦取士自紹興二年科場始置曾侍御統請廢經義而專用詞賦 上意鄉之呂元直不可而止十三年 國學高抑崇司業建言士以經術為本請頭場試經義次場試詩賦末場試子史論時務策各一首許之十五年詔經義詩賦分為兩科

于是學者競習詞賦經學浸微二十六年冬 上諭

沈守約曰恐數年之後經學遂廢明年二月詔舉人

並兼習兩科內大小經義共三通三十一年言者以為老成經

術之士強習詞章不合聲律請復分科取士仍詔經

義合格人有餘才以詩賦不足之數通取不得過三

分自今年太學公補試行之迄今不改先是舉人既

兼經義詩賦策論因號四科然自更制以後惟紹興

十四年二十九年兩行之而止蓋舉人所習以分為

二不可復合矣

類省試

以分當作二分

類省試者始 高宗在揚州以軍興道梗建炎元年十二月遂命諸道提刑司選官卽漕司所在州類試率十四人而取一人開封以臺官監試諸道令提刑臨時實封移牒漕司一員不得預考校榜旣揭遠方之士多訴其不公紹興元年六月始專擇諸路憲漕或帥守中詞學之人總其事時張魏公爲宣撫處置使以便宜合川陝舉人卽置司州類省試五年始試進士于南省惟四川卽宣撫司自七年後又移置制司迄今不改始朝廷旣命宣司類試又詔選有出身清望見任職司一員監試見任京朝官有出身曾任

曾見遂請
令監司守
俸

館學或有文章者充考試官二十七年五月言者以爲不能無弊請罷之悉令以南省事下國子監楊文安椿以兵部侍郎兼祭酒言于朝曰蜀士多貧而使之經三峽冒重湖狼狽萬里可乎欲去此弊一監試得人足矣遂請令監司守俸子弟賓客力可行者赴省他不在遣中二十九年七月吏部侍郎周綰復請遣行在清望官充監試上以道遠難遣乃以成都漕臣王之望贍叔監試嘉州守臣何逢源資深爲考試官而別試所亦差官監考試又詔監試官依監學除法取摘試卷詳定類省試降敕差官自此始是日禮

部侍郎孫道夫侍經筵猶請罷類試令

徑赴

禮部 上日早方與執政議今歲已無及後舉當遣御史監之趙曰秘語契驗御史所能防自慶元後監試考試官率以南士餘官選南士及蜀人參之然去取之柄專在南人無復曩時之疑矣

國子監解試

行在國子監解試以察官一員監試郎中二員充考試官職事釐務官六員充點校試卷試太學生而別試所以郎官一員充考試官兼監試職事釐務官三員充點校試卷試國子生及朝士同姓有服親南省以學士或尚書

學案

一員權知貢舉又侍從臺諫二員權同知貢舉卿監郎官八員察官二員充參詳官館學及職事釐務官二十員充點校試卷官兼試宏詞及宗室別試所以卿監一員充考試官監試職事釐務官四員充點校試卷官附試武舉殿試以館學郎中四員充初覆考官以餘官一員充點校試卷官侍從二員充詳定官兩省二員充編排官以上並降敕押入院

諸路解試

諸路解試官故事皆自轉運司選差率以本州通判監試本路見任或待闕官充考試官乾道六年四月

丙午始命諸州試官皆隔一郡差以絕請託之敝時
劉通靖章為禮部侍郎用其請也淳熙十六年春試
王侍郎漑為潼川漕始令試官每員皆歷三郡合符
符合乃聽入其後又行之西川迄今不改慶元四年
有泉州州學教授王萃者考昌州春試于尚書斷章
出問明年正月尚書省奏罷萃時漕臣汪德輪故相
伯彥孫太傅卿召嗣子也議者謂汪祖任入官故擇
考官不善張肖翁為監察御史因謂自今漕臣不由
科第進者更委他監司一員選官校試仍擇有文學
十望者一人為點校官專掌命題去取之事即有不

因謂疑門
請

稱加以重罰從之蓋自嘉泰元年始

四川類省試官

四川類省試院自勅差監試主文之外制置使差考
試官四員以有出身知州充點校試卷官十員以京
官選人有士望者充別試所則但差小試官二員而
已舊監試主文皆差提轉近歲多以郡守為之而考
試亦差倅貳至郡守之嘗任館學者或不差非故典
也

宗室差試官

自熙豐以來宗室不差試官淳熙六年十一月周益

公為吏部尚書始請宗室充學官及考試八年正月遂命趙子直為省試別院考試官紹熙四年以子直知貢舉然外郡至今未有差宗室校試者蓋漕吏守舊法而不知新旨焉

燈挾之禁

燈挾之禁近歲惟行國子監及南省行之兩浙漕司則雖禁燈而以弛挾書律矣其他郡國秋試率達旦乃罷雖類省試亦然紹興二十九年王瞻叔護試始復禁之然習俗已久雖令不行今秉燭挾書如故

諸路同日解試

冒貫疑誤

祖宗舊制諸路州軍科場並以八月五日鎖院惟福建去京師地遠先期用七月川廣尤遠又用六月紹興十三年八月詔以閩廣去行在不遠並令八月五日鎖院然諸軍州例選日引試由是舉人多冒貫而再試于他州或妄引親賢而再試于他路至有一身而兩預薦送者二十四年正月詔太學及諸路並以中秋日引試惟四川則悉用三月十五日焉類省試舊以九月二十四日制置司言去行在地遠恐舉人赴御試不前請以八月鎖院許之迄今不改

避親牒試

牒試者舊制以守倅及考試官同異姓有服親大功以上婚姻之家與守倅門客皆引嫌赴本路轉運使別試若帥臣部使者親屬門客則赴隣路率七人而取一人紹興後牒試者猥多至二十三年成都一路就試者三千五百人而發解五百人議者以爲濫于是成都路以八十三人潼川路以八十人爲額時眉倅李彥輔永康倅郭印皆坐牒試避親舉人冒濫雖會赦猶展磨勘年及降官坐此弊特東西兩川夔利路與東南諸漕日則解不過三數人而已紹興五年夏王巽澤漑自成都轉運官召還又見極言

請復疑復

兩路冒親詭貫之弊乞各存十人外均與本路諸州從之仍各以二十人爲額元宗朝時爲制置使每路止存十二人若就試者少則以二十人而取一人奏可舊制命官鎖廳赴漕試者與避親舉人同試王巽澤爲益漕始令分場以革假手之弊于是西蜀皆然蓋自紹熙三年春始

潛藩恩試

潛藩恩試者蓋自未渡江前有之然必曾請舉人兩到省以上乃得試紹興二年蜀州舉人以高宗登極覃恩往赴類省試文理堪試則送試院不限人數取文

理堪試何疑

理優長之人爲合格初任除諸州教官自是爲兩學
之選嘉泰元年二月言者諸州制置使遇類省試年
分做禮部附試學官許有出身人具所業赴制置司
陳乞委有出身通判或教授者詳定是歲就試者四人
而取二人蜀人試教官自此始

初出官人銓試

銓試者舊有之凡任子若同進士出身之人皆赴建
炎兵火後權停紹興三年始復無出身人許習經義
詩賦時議或刑統義斷案十三年九月詔兼試二場
惟有出身人試律如故其任子之在蜀者舊法令益

梓兩路漕司輪年分春秋銓試乾道二年從知蜀州
楊民望之請委制置司主之后又降敕差監試考試
官惟蜀土同出身之在東南者則免銓試故事春秋
再試十人而取七乾道二年後止春試二人而取一
紹熙末議者病其寡學乃請三人而取一後三年謝
用光爲吏部侍郎上言今世祿之家已留意學問講
復舊制詔許焉今蜀中銓試最寬凡假手者率費七
百緡又勢要子孫鮮不與選或謂宜悉付吏部然吏
部亦不免此要當如 祖壽先試而後命可也舊銓
試未合格者許堂除淳熙中孝宗始嚴其令八年八

德延陵

月趙魏公帥瀘奏其子昇書寫機宜文字既受教矣
 未待問蘊之在西掖緣他事以未銓試為言遂寢其
 命紹興元年八月計司業衡又奏乞中選人就吏部
 長貳廳前簾試中然後許參選小經義一首或小明賦或省題詩一首
 年四月吏部條具如所奏內同進士出身并恩科人
 更一不簾試仍四川制置司一體施行從之黃子由
 時為考功郎官建言今已增試律義自不須更簾試
 大臣進呈光宗曰簾試以革代筆之弊正當加嚴豈
 可廢也三年八月謝子肅侍郎又言銓試不中四十
 以上注殘零闕人乞令郎官就長貳廳寫律一條俾

之解釋如或不通未得參注從之始任子降等補交
 學者與恩科人皆免銓試孝宗以為非是亦命試焉
 惟宗室子銓試則試場無雜犯者皆出官蓋朝廷優
 天屬之意廣東西漕司舊亦有銓試乾道八年罷之

試教官

試教官者自熙豐間始得程伊川非常之入今不廢其法
 凡有出身人願試者先具所業經義三道詩賦各三
 道赴禮部陳乞者文理堪試則送院試不限人數取
 文理優順之人為合格初任除諸州教官自是為兩
 學之選嘉泰元年二月言者請四川制置司遇類省

試年分倣禮部附試教官許有出身人具所業赴制
置司陳乞委有出身通判或教授看詳是歲就試者
四人而取二人蜀人試教官自此始

試刑法

試刑法者亦是熙豐間始舊附銓試院兵火後權停
紹興三年始復後有降敕差試官二員專撰刑法問
題號爲假案其合格分數例以五十五通作十分爲
率五分以上入第二等下係二十七通七釐半四分半以上入
等三等上係二十四通十釐半四分以上入第三等中係二十通以
上凡試入二等者選改京秩蓋趙忠簡爲相以刑名

故曰擬故

之學其廢已久故白上請優之今遂爲大理評丞之
選二十五年四月四川制置使請每三年就類省試院
撥差刑法官二員校試從之

新科刑法

新科刑法熙寧間改舊刑法科爲之崇寧初廢取其
解省額歸禮部建炎二年正月大理少卿吳環言法
官缺人請復此科許進士嘗得解貢人就試從之紹
興十一年始就諸路秋試每五人解一名省試七人
取一名皆不兼經義明年御試御藥院請分爲二等第
一等本科及第第二等本科出身十四年七月詔以

以為濫請解省試各遞增二人解試七人取一所試省試九人取一斷案刑名粗通以十分為率斷案及五分刑統義文理俱通者為合格無則闕之 自后舉兼經議六年二月遂罷之迄今不復設矣

覆試權要子弟

覆試權要子弟者太祖之法也紹興十二年秦申王當國其子熺始冠多士二十四年其孫塤復試南省為第一及至廷試有司擬塤為榜首上覺之寘之第三檜薨淮南提舉常平朱冠卿應詔上書極言其弊于是追奪塤出身敕而曹冠以下七人有官者並改帶右

皇朝雜記

字餘並剝放二十七年始詔兩省臺諫侍從有服親省試合格者令禮部具名以聞命后省覆試自是遂為故事

鎖廳人不為狀元

鎖廳人不為狀元非故事也祥符二年梁固廷試第一固翰林學士灝之子景德初已賜進士出身矣皇祐初沈文通以齋郎對策為第一宰相陳恭公疑已仕者不當為第一人乃降為第二其后王昂榜本王楷汪洋榜本秦熺陳誠之榜本黃中王佐榜本董德元梁克家榜本許克昌蕭國梁榜本趙汝愚鄒應龍

榜本莫子純曾一龍榜本許奕皆用此刻

新進士期集

新及第進士舊以名次高下率錢期集貧者或稱貸于人裕陵聞之熙寧六年始賜新進士錢三千緡爲期集費自余中始也渡江後賜千七百緡自是遂爲故事舊新進士入謝進謝恩銀百兩熙寧六年亦罷之今新進士期集所號爲團司置局于禮部貢院釋褐日卽赴上三人主之其職事有糾彈牒表主管題名小錄掌儀典客掌各掌器掌膳掌酒果監門等多或至百餘人仍其所差名姓申禮部御史臺照會后

旬日朝謝又數日拜黃甲敘同年于禮部貢院其儀三名設褥于堂上東西兩廂向同年四十已上立于東廊四十已下立于西廊皆再拜拜已擇榜中年長者一人狀元拜之復擇最少者一人拜狀元又數日赴國子監謁謝先聖先師鄒國公釋菜禮三名爲獻三榜中有士望者一人爲監禮官已謝賜聞喜宴于禮部貢院侍從以上及館職皆與知舉官押宴已宴立題名石刻乃罷局焉大凡團司至狀頭授誥出國門乃罷

國朝三元

孫漢公淳化二年舉進士自開封至南省廷試皆第一前未有也至咸平五年王沂公青州南省廷試皆第一慶歷二年楊審言皇祐元年馮當世復皆第一人有國二百餘年爲三元者止此四人而已

制策入三等

本朝制策入三等者四人吳正肅蘇文忠范子功孔常甫再舉制科者一人張文定景祐元年茂才五年賢良方正也此亦前所未有

新進士廷射

新進士廷射舊未有淳熙初孝宗嘗諭大臣欲令文士能射御武臣知詩書二年詹晉卿榜上特御射殿引晉卿以下一百三十九人按射翌日引第五甲及特奏名一百五十一人皆具襴笏入殿起居易戎服射訖乃進正奏名中的中帖上堦者推恩有差特奏名五等人射合格者與文學其他例賜束帛凡用絹三千疋云紹興初留丞相奏言射以觀德旣不合格而復賜之帛則似無謂此例可削去亦省費之一端上從之

廷試賜燭

舊例廷試舉人至暮者許賜燭然殿深易黑日昃殿

上賜燭出矣慶元五年上初策士江西正奏名進士黃實嚴州將奏名進士黃甫鑑納卷最后廉州特奏名進士劉嘉猷賜燭至一更四點御藥院言賜燭故事正奏名降一甲如在五甲降充本甲末特奏名降一等如在第五甲與攝助教詔如故事世傳張韶嘗扣殿陛賜燭納卷最后上親取其策觀之歎其直亮遂擢爲榜首其實不然

殿試詳定官別立等

祖宗舊制殿試初考官既定等乃加封印以送覆考覆定等第而詳定所或從初考或從覆考不許別自

立等嘉祐間王荆公爲詳定官始乞不用初覆考兩處等第別自立後遂爲例紹興五年八月孫叔詣爲學士上言如此則高下陞黜盡出于詳定官而初覆考殆爲虛設請復舊制如初覆考皆未當乃許奏稟別置等第從之是歲殿試兩考立等不同詳定所以聞詔編排官定奪趙公時陳議以爲非是請用崇寧隔二等累及五人各開具合升降因依以聞詔可然自紹興乾道淳熙紹熙之際殿榜三名多人主親擢云

諒闇罷殿試

自咸平以來人主有三年之喪則罷殿試而以省元為榜首真宗朝孫僅仁宗朝宋郊英宗朝彭汝礪神宗朝許安世徽宗朝李釜高宗朝黃公度孝宗朝木待問今上朝莫子純傳行簡是也舊制止除職官惟天聖二年宋元憲獨除京官通判紹興八年黃公度復補京官自是遂為故事

四川類省試榜首恩數隆殺

四川類省試第一恩數視殿試第三人蓋紹興五年以軍興道梗十一月戊子有旨川陝數省試第一人賜進士及第與依行在第三人恩例餘並同進士出

殿省試疑
類省試之
訛

身其后何道夫耕以對蜀人才策為丞相所怒乃諭禮部合奏奏云類試高第人多在道遷延不肯赴御試望自今第一等人並賜進士出身奏可十八年八月癸巳自是無有不赴御試者惟上不親策則類試第一人恩數如舊第二第三人皆附第一甲九名以上附第二甲云

宗室鎖試遷官

宗室有官鎖試無官應舉者唱第日皆遷一官若濮王子孫則加一等舊解省皆七人而取一淳熙中詔省試十人乃取一人又有取應宗子者榜首得同進士出身

餘補承信郎而已宣和六年沈元用榜宗室始不入
五等至今以爲例焉

武舉 換文

武舉者自仁宗以來有之諸路州軍舊無解額但就
兵部取解率以七人赴省試前期軍頭用見司于內
弓箭庫試驗弓馬于別所附試程文七書義五道兵
机宜二道上又臨軒親策翌日閱試弓馬焉榜首補
保義郎與巡檢差遣並注監當渡江后劄弓馬于殿
前司焉每舉登第者率二十人淳熙后增至四十人
自淳熙三年四川類省試始試武士四路共解四十

二人省額凡六人乾道六年正月劉孺文在禮曹嘗
請復武舉制科而不果淳熙初上以武舉授官與文
士不類二年三月乙巳詔舉第一人補秉義郎堂除
諸軍計議官使得預軍中謀議序位在机宜之上他
並做進士恩數爲差令吏部前一年刷闕依黃甲注
授七年三月丙辰詔武舉人願從軍者殿試第一名
與御前同正將三名以上同副將五名以上及省試
魁同准備將舊制監察御史以上許保任武舉一員
后增爲二會閣門舍人林宗臣請寬保任之法增其
人數是月辛未又詔通直郎武翬大夫以上皆得舉

二人四月已酉詔小使臣武舉出身者遭家艱並解官持服用吏部侍郎烏程芮輝國器請也十年十月乙亥詔邊縣武舉出身人凡武人射兩石弓馬射九斗謂之絕倫苟絕倫雖程文不合格並賜第紹興二十九年趙夢熊武藝絕倫又省殿試皆第一即令為閤職焉乾道淳熙間太學諸生久不第者多去從武舉已乃鎖其廳應進士第時王卿月時叙首應二科后官至修注近歲江伯虎君用陳績亦連中二科伯虎淳熙八年武舉第一人十一年進士第四甲遂換承事郎恩數與狀元等朝廷斬之十六年十月因

知歸州林穎秀建言遂罷鎖廳之令江後通判泉州而卒陳今知永康軍

童子舉 三朝推恩人數

童子舉自真宗以來有之高宗一朝童子求試者三十有六人授官者五人萬頃彭興宗張秉永免文解者一人晏免文解者一人紹興三年賜帛罷遣者九人紹興三年兄弟童子三人饒州江安國定國戴滋又淮朱虎臣者能排陳步射及誦七書故補承信郎劉穀以小校子五歲善騎射故補校尉虎臣浮梁人既召見特又賜金帶以寵異之此亦前所未有孝宗一朝

童子求試者七十四人而命官者七人有呂嗣興者
 衢州人也四歲能誦書切韻辨四聲書八卦上召見
 面俾吟詩遂授右從政郎賜錢三百緡令侍皇孫榮
 國公誦讀乾道八年春也又有臨川王克勤尤為警
 敏初命右從政郎廬陵李如圭三山林公洽何擢並
 右迪功郎三山何致遠將士郎廬陵 郭洵直下州
 文學

光宗一朝童子 求試者十七人無補官者惟從
 事郎吳綱年九歲能誦六經語蓋以壽聖親姪孫特

改承務郎仍依初補法壬子四月也

童子賜出身 秘書省讀書

晏元獻初以童子召試遂賜出身令秘閣讀書久之
 即以爲正字乾道末上踵故事以臨川王克勤敏叔
 爲秘書省讀書制祿視正字之半淳熙初上幸秘閣
 館職皆遷官選人改京秩有司言克勤于上詔以爲
 文林郎久之臺官有言其過者遂除初等職官後復
 以鎖廳中第爲太學博士自後未有繼者

特奏 召試

特奏召試自仁宗朝始其後浸寬凡監學生二舉皆

按此以
此處
上文

免解一說舉人八舉年四十五舉年五十以上皆赴殿試取其半授官年六十以上試入四等者與嶽廟建炎二年高宗登極特詔入五等者並調官至今以為故事恩試等第一人與進士出身除諸教授第二人同出身渡江后川陝特奏名人就試于制置司三十年又降敕差監試考試官近歲朝廷以其冗濫患之乃詔三人而取一由是恩收之員少減矣

太學養士數

太學養士最盛于崇觀間紹興中詔以七百人為額上舍生三十員內舍生百員外舍生五七十員每三

考作上

考作上

三百人耳有誤

依文獻通

考作五百

七十則列

合百八人

之數矣

年科場率四人而一若積行校藝而升上舍者則不待選舉而經釋褐焉時王暉知臨安府括民間冒佔白地錢歲入十二萬緡有奇為太學養士之費十六年詔外舍生以千人為額其後三舍生率八百餘人云舊兩學覃恩無免解法孝宗即位始創行之自是每有覃慶輒復舉行省額動增數十人為定例矣

國子監試法

國子監生員皆胄子也舊制行在職事官同姓總麻親釐務官大功親聽補試入學每三年科場率三人而取一若未補中則七人而取一焉然太學坐皆得

考未補中
可有誤

以公私試積校定分數升舍惟國子生以父兄嫌但寄理而已須父兄外補乃移入太學而後得升慶元二年三月傅景仁在翰苑建言國子生員名偽濫請自今職事官期親釐務官子孫乃得試補從之凡監學生皆給綾牒若謁告外在遇科舉則試于漕司舊公私試皆學官主之自淳熙後公試乃鎖院降敕差官學官蓋不得預

武學

武學自祖宗以來京師有之乾道七年七月庚寅詔武該赴解試人以五十人為額然郡國未之建也慶

壬子

元五年六月乙亥言者請即諸州州學置武齊舍選官按其武藝且藉在官荒田以備餼廩從之然後亦不克行

釋褐狀元恩例

舊制太學上舍生積校已優而舍試又入優等者就化原堂釋褐號釋褐狀元例補承事郎太學正錄淳熙初鄭鑑自明由此選不四年而為著作郎補郡自明數言事上甚喜久而稍厭之六年劉純叟堯夫復以解褐初除國子正時王仲行為兵部尚書奏言今兩優釋褐初除京秩即授學官視狀元餽稗恩數過之

本文失
揭狀
今依
通考

事理不當乞先與外任時知滁州張商卿亦言今中
上舍為學官不數年便可作監司郡守獄訟財賦非
所素習豈能保其不謬乞先注職官上然之十月丙
申詔與殿試第二人恩例

太學補試

太學補弟子員故例每歲科舉後朝廷差官鎖院凡
四方舉人皆得就試取合格者補入之謂之混補淳
熙後朝議以就試者多欲為之限制乃立待補之法
諸路漕司及州軍皆以解試終場人數為準每百人
取六人許赴補試率開院後十日揭榜然遠方人士

紹興乃詔
與之詆今
徵通考改

多不能則為他人取其公據代之冒濫滋甚慶元中
遂罷之嘉泰二年復行混補就試者至三萬七千餘
人分六場十八日引試云

蜀學

郡國之學最盛于成都學官二人皆朝廷遴選弟子
員至四百人他學者亦數百人然未有校試選貢之
法淳熙中胡長文為蜀帥嘗議倣太學別立解額會
有沮之者不果行慶元三年春士人王正則等訴于
朝請以漕司解額移于成都府學事下制置司後亦
寢今蜀士之年少者多聚于成都 若精

擇師儒稍立月書季考之令又量取諸路漕司之餘額以予之俾有所歆慕而成就其才庶乎其有益也

宗學

宗學東都盛時有之紹興十四年春惠國公士穉同知大宗正事始謂建學于臨安學生以百員為額太學生五十人小學生四十人職事各五人置諸王宮大小學教授一授員在學者皆南宮北宅子孫也若親賢宅近屬則別置教授以館職兼不在宗學之例

釋奠宗子侍祠

郡國釋奠先聖宗子侍祠舊制無之自紹興十五年

始州縣文臣詣學謁先聖乃許視事舊制亦無之自紹興十四年始蓋諸王宮教授陳孝恭知永州羅長源建二議而朝廷行之

文宣王鎮圭

紹興十四年國學初建內出鎮圭以奉文宣王慶元三年上將行大禮而內府無圭乃下國學監借文宣王玉圭用之

鄉飲酒

鄉飲酒者紹興十三年四月林待制保為禮部郎中請命太常草具其禮下郡邑行之又詔非常與鄉飲

酒者母得應舉有儀有肅賓祭酒主獻賓酬主人酌
 介介酌眾賓修爵無等沃洗揚觶拜送拜既凡十二
 節又有約束凡事主人以守令其酒食器用卿大夫
 士之有力者共為之行之十餘年士人不以為便二
 十六年四月始用新通判撫州陳泳之請雖不與鄉
 飲酒者許應舉又詔鄉飲酒聽人自為之公家母得
 預自是不復講焉

通
 仍當作

建炎以來朝野雜記甲集卷第十三

朝野雜記卷十三
酒者母得應舉有儀有禮賓祭酒主獻賓酬主人酌
介介酌衆賓修爵無等沃洗揚觶拜送拜既凡十二
節又有約束凡事主人以守令其酒食器用卿大夫
士之有力者共爲之行之十餘年士人不以爲便二
十六年四月始用新通判撫州陳泳之請雖不與
飲酒者許應舉又詔鄉飲酒聽人自爲之公家毋得
預自是不復講焉

建炎以來朝野雜記甲集卷第十三

